



# *Jahresbericht* 1835-36

über

das **Königliche Gymnasium zu Eisleben**

von Ostern 1835 bis dahin 1836.

Womit

zu der öffentlichen Prüfung der Schüler der Anstalt  
und zu der feierlichen Entlassung der Abiturienten

am 28. März 1836

alle Freunde des Schulwesens und insbesondere die Eltern unserer Schüler

ergebenst einladet

*Dr. Friedrich Ellendt,*

Director und Professor.

Voraus geht eine Abhandlung des ordentlichen Lehrers Dr. Schmal-  
feld: Commentationis de Fato Homérico particulari

Eisleben 1836,

gedruckt in der Lofseschen Buchdruckerei.

LIBRARY

1911

1911

1911

1911

1911

1911

1911

1911

1911

1911

1911

1911

1911

1911

1911

1911

1911

COMMENTATIONIS  
DE  
FATO HOMERICO

PARTICULA I.

Græci veteres, quum non unum, uti nos, deum, sed multos deos deasque colerent, ac nullam rem sensu vel cogitatione concepissent, cui non aliquod numen praeesse crederent, ea, quae accidunt mortalibus fiuntque, non unius Jovis, quem summum habebant deum, nutu ac voluntate, sed adjutricibus deabus quibusdam fieri rati esse perhibentur. Homerus quidem eas *Αἰσά, Μοῖραν, Κῆρα* nominavit: alii, qui post Homerum in fati cogitationem inciderunt, scriptores et poëtae, *Εἰμαμένην* addiderunt et *Περωμένην*, quas hic omittimus. Erit autem, quum omnia, quae ad Homericum fatum pertinent, persequi res Gymnasii nostri pecuniariae prohibeant, ne latiore quaestione sumptus impressi libelli majores fiant, hac commentatione ea quaestio, quid illud sit, quod ceteri dii deaeque illarum, quas modo dixi, dearum numini dicantur paruisse. Quam ad quaestionem etsi presse non attinet explicatio nominum, quibus deas administras fati poëta vetus appellavit, tamen hoc praemonemus, *Κῆρα* nusquam vocari, nisi mortiferam <sup>1)</sup>, inter *Μοῖραν* autem et *Αἰσά* hoc interesse, ut haec omnis omnino sortis humanae moderatrix dicatur, illa singularum casuum, veluti calamitatis alicujus, mortis,

1) Fere semper, ubi hujus deae aliqua mentio facta est, legimus: *Κῆρ ταντλεγέος θανάτοιο*, *Κῆρας ἀφύξειν*, *Κῆρας ἀμύνειν*, similia. quibus omnibus nullus inest, nisi mortis intellectus.

omnino rerum singularum, quae bene secusve eveniunt <sup>1)</sup>). Quae quum sit eorum nominum differentia, facile cognoscimus, cur unam tantum *Αἶσαν*, plures autem *Μοῖρας* esse crediderint <sup>2)</sup>). Neque vero ea nomina locis omnibus fatales deas declarant, sed sexcentis appellativa sunt. Quod quum non omnes aequè perspicerent, vera cum falsis confuderunt. Ac primum quidem iis poëta partem seu portionem significat <sup>3)</sup>), unde κατὰ μοῖραν, κατ' αἶσαν, uti convenit, uti par est, uti decet: aliis locis sortem sive fatum aut casum, quae ratio eorum locorum est omnium, quibus non agens aliqua persona declaratur, veluti II. V, 210: Κακῇ αἰσῇ ἀπὸ πυσσάλου ἄγκυλα τόξα ἐλόμην. Ibid. XV, 209: Ἀλλὰ τοῦ αἰνῶν ἄχου θυμὸν ἔχονει, ὅπποτ' ἀν' ἰσόμορον καὶ ὁμῇ πεπρωμένον αἰσῇ νεικεῖσιν ἐθέλῃσιν. Od. XI, 559: Ζεὺς τειν ἐπὶ μοῖραν ἔθηκεν. His locis et aliis multis non dubium est, quin αἶσα et μοῖρα pro appellativis sint, praesertim iis, quibus θεῶν, Διὸς αἶσα vel μοῖρα dicitur. Nec minus eorum in numero illos locos habemus, quibus αἶσα, μοῖρα, vel αἰσά ἐστι, μοῖρά ἐστιν idem est atque μόρσιμόν ἐστιν. Exempli causa cito II. XVI, 708: Οὐ γύ τοι αἶσα σῶ ὑπὸ δουρὶ πόλιν πέρθαι Τρώων. Ib. XVII, 422: Εἰ καὶ μοῖρα παρ' ἀνέρι τῷδε δαμῆναι πάντας ὁμῶς etc. Od. V, 41, 113 et 206. XIII, 359. XV, 276.<sup>3)</sup> Quorum locorum e numero nescio, cur a quibusdam ille segregatus sit, quo Mars iurans inducitur: εἰ καὶ μοῖρα, Διὸς πληγέντι κεραυνῷ κτεῖσθαι ὁμοῦ νεικέεσσι μεθ' αἵματι καὶ κοινήσιν.

Hoc autem omne locorum genus, quod modo leviter attigimus, si dempseris, restant non ita multi loci, quibus non dubium sit, quin tanquam agentes personae *Κῆρες*, *Μοῖρα*, *Αἶσα* declarentur. Ac si quaeritur, num ex ullo loco rectè conjici possit, earum dearum numina majora atque potentiora fuisse, cui vel Jovem paruisse rati sint, exponamus necesse est, quale regnum Olympium antiquitas illa finxerit. Firmata autem virorum doctorum consensu sententia est, ad humani alicujus regni similitudinem regnum Jovis Olympium ab Homero confictum esse, ita, ut illi deo ceteri dii deaeque pareant et administri sint. Ab Jove igitur suum illorum quisque munus habet et imperii caelestis ita particeps factus est, ut ad consilium ejus adhibeatur. Suo autem quisque muneri ita praeest atque consulit, in-suaque parte ita imperat, ut a ceterorum voluntate et arbitrio liber sit et

1) II. V, 613 et 629. VI, 487. XVI, 849. XX, 127. XXIV, 224. Od. VII, 197. al.

2) II. XXIV, 49.

3) *Αἶσα* enim et *μοῖρά ἐστιν* est accidit, accidet.

humana. Sed hae potestates singulares ne inter se contendant, Jupiter conciones habet, quibus deorum voluntates et consilia moderetur ne temperet, quod imperium iniquum videri posset et injustum, nisi ipse deum hominumque pater legibus certis uteretur. Quae leges quum non tantum aeternae sint, sed etiam, quia Jupiter singularis, lex autem communis omnium est, voluntatis regiae videri possint esse contrariae, judicaverit forte quispiam, regem Olympium alienae alicui superiori potestati parere. Minime vero. Nimirum ea caruerant veteres divinae notionis comprehensione, ut, qui deus haec omnia, quae videmus, effacimus, tentamus, audimus, sentimus, moderaretur, eundem omnium opificem, naturam ac legem esse ducerent. Quippe deos hominum similes fingebant. Itaque, quemadmodum homini a natura lex quaedam moralis, quae dicitur, insita et innata est, ita deos probi ac justi legem quandam habere rati sunt, quam migrare non deberent, nec aliter Jovem summum esse, nisi regis illius imperio, quam quia ipse sapienti consilio observaret, observari vellet idem ab aliis. Hac igitur lege morali deorum atque Jovis voluntas et potestas circumscripta atque definita est, neque tamen ea sola, sed etiam altera, naturali. Sunt enim dii neque extra naturam, neque adeo intra eam, ut natura sine illis nulla sit, sed ab ipsa natura progeneriti et ita cum ea conjuncti, ut sine ea ne esse quidem ulli possint. Itaque deorum imperium non eo usque pertinet, ut in iis rebus, quae naturales sunt, mutare quidquam possint, sed naturalem legem administrant. Naturalis enim legis necessitatem si mutarent, natura, qualis est, talis esse non posset. Itaque homines, quum mortales sint, mortem non effugiunt, nec ab ea communi omnium sorte deorum opera defendi possunt. Quamobrem Od. III., 236. sqq. Telemacho Minerva: Ἀλλ' ἤτοι θάνατον μὲν ὁμοῖον οὐδὲ θεοὶ περ καὶ φίλῳ ἀνδρὶ δδναιται ἀλαλκόμεν, ὅπποτε κεν δὴ μοῖρ' ὀλοή καθέλῃσι τανηλεγέος θανάτοιο. His verbis nonnulli adducti sunt, ut *Μοῖραν* deam ceteris diis deabusque superiorem ab Homero habitam existimarent. At *μοῖρα* hic nomen appellativum est<sup>1)</sup>, nec illud negligendum, quod poeta dixit ὁμοῖον θάνατον, i. e. mortem omnibus hominibus aliquando futuram. Nequeunt autem dii naturae necessitatem amovere, at retardare mortem aut properare. Cujus opinionis quum sexcenta possint afferri testimonia, cito Od. tantum IV, 753: Ἀθηναίη κέν μιν ἔπειτα καὶ ἐκ θανάτοιο σώσει, et II. IV, 11:

1) V. II. III, 101. XVI, 334. Od. II, 130. quibus locis θάνατος et μοῖρα ita conjuncta sunt, ut hoc appellativum esse manifestum sit.



Τῷ δ' αἶψα γυλονμυίδης Ἀργείοισι παρέμβλετο καὶ αὐτοῦ Κῆρας δαΐναι. Alina, que eandem in rem incidit poeta, locus est II. XV, 141. Nam Minerva: ἰδὲ γυλονμύη, inquit, σῆντορ ἀνδρῶν γένετο, καὶ ἐν τέλει αὖ. Scilicet Mars ille ferex filium a nece tuari volebat, sed id contra Jovis consilium. Itaque Minerva nonnunquam ait difficile esse mortalem ab exitio servare, i. e. mortem recusare, non quod omnino diis prohibendi vis non esset, sed quia fieri posset, ut hominis alienius, salus consilio Jovis ceterarumque deorum communi repugnaret. Namque moralem legem migrare diis non licebat, ac si quis eorum aliquod crimen in se admitteret, poenam subterfugere non poterat. Itaque Mars auxilium laturus filio metuit, ne aperto crimine gravissimam poenam se subire oporteat. Nam: Τλαομαι, inquit, πόρην υἱός, ἰὼν ἐπὶ κῆρας Ἀχαιῶν, εἴπερ μοι καὶ μοῖρα Διὸς πληγῆται μετὰ μοῖρ' etc. II. XV, 116 sqq. Namque Jupiter lege vetuerat deos auxilio mortalibus venire, ne quid vel ira vel cupiditate facerent. Nec ipse Jupiter moralem eam legem rumpit. Namque legitur II. XXII, 209. haecce verba: Καὶ τότε δὲ γένετο παρὰ ἑστραυὶ τῶνδε, ἐν δ' ἐτίθετο Διὸς ἡγεῖα συμπλέξος θανάτου, οὐ μὲν Ἀχιλλεύς, οὐδ' Ἑκτορὸς ἑκάστω μοιο. — ὅτε δ' Ἑκτορὸς αἵματι ζυγῶ. Agebatur autem, cujus duorum populorum majora fata essent, quum Hectoris exitium cum Trojanorum omnium clade necessario esset conjunctum, Achillis autem cum calamitate Graecorum. Quod quum praeviderent, qui dii Trojanorum civitati favabant, a Jove petebant, ut Hectorem servaret, qui autem Graecis, ut Achillem e pugna victorem reduceret. Igitur Jupiter, quum, uti regem justum decet, a neutra parte staret, secum animo sapientique consilio perpendit, utrius victoria cum legibus aeternis, quos de imperio mundi temperando sibi scripserat, aetatumque futurarum cum salute conspiraret. Visum est autem ei satius Achillem vincere, ideoque Hectorem perire sivit. Quae Jovis meditatio, si simpliciter eam verbis significasset, non satis gravis poetae visa est, nec a cupiditate adeo aliena, ut videri non posset vel ira vel studio rex deorum aliquid fecisse. Quamobrem libram finxit in ejusque lancibus utriusque sortes impositas, ut justissimo judicio suum utrique tributum esse apparet. Cfr. VIII, 96 sqq.

Hi fera sunt loci celeberrimi, quibus evinci posse quibusdam visum est, deos numini alicui superiori paruisse, at id nusquam a poeta nomine nuncupari, quia, quale illud esset, quod fatum ipsi nominant, non satis perceptum ille habuerit, quasi ei ad id significandum, quod cogitasset, verbum deesse potuisset. Sunt quidem populi, qui praeter deos aliquid fatum esse

crediderint deorum numine superius. Exempli causa, nomine Sumbrydenes, a quibus Etrus quidam Flonus summus quidem deus, sed Patro minor habebatur. Non ita Graeci de deorum dignitate detraxerunt. Quamquam enim hoc concedimus, ne leges quidem illas, moralem, inquam, et naturalem, verbis ita significatas esse, uti eas Jovi pro norma fuisse discamus, tamen locis haud ita paucis dii, praesertim Jupiter omnia nosse ac scire perhibetur. Nam Od. XII, 78. Penelope; Ζεὺς, inquit, ἐὶ σέθεν ἀνάκτις. Nec oraculis quisquam futurorum praedictionem habuisset, si Jupiter auctor oraculorum ea non praevidebat. Non autem modo praevidebat hic futura, sed etiam auctor est, ut fiant et eveniant. Itaque bellum inter Graecos et Trojanoes Διὸς δὴ βουλὰς conflatum esse dicitur Od. VIII, 82. Idem decernit de fortuna proeliantium, qua de re v. Il. VIII, 46. IX, 24 sqq. XIII, 221 sqq. et de hominum sorte, praesertim eorum, quos princeps quadam cura amplectitur, i. e. de heroibus ac regibus, quibus ea cura Διὸς ἐπιφρονίης, appellantur. Il. X, 71. Agamemnon; Ὅδὲ πόν, inquit, ἄμμι Ζεὺς ἐπὶ γενομένοισιν ἴσι κακότητα βαρεῖται. Il. XVI, 433—461. Jupiter, quam praevidebat, si auxilium non ferret, filium Sarpedonem a Patrocle caesum iri, haesebat aliquantisper, utrum ab interitu servaret, an perire pateretur. Sed quam Juno deas deasque omnes, si tueretur filium, succensuros discesse, necesse non prohibuit, non quod potestate servandi careret, sed ne factiones in Olympi regno fierent. Cir. Il. XV, 630 sqq. Nec desunt loci, quibus Jupiter omnium rerum, quae bene ac sane mortalibus eveniunt, auctor esse perhibetur. Nam e delictis duabus suam quique fortunam tribuit. V. Od. IV, 207. Il. XXIV, 527—51. et Od. VI, 188 sq. Ζεὺς αὐτὸς νέμει ὄλβον Ὀλύμπιος ἀθροισσύν, ἐὶ δὲ καὶ κακότητα, ὅπως ἐθέλῃσιν ἑκάστω. Aliis locis non unus Jupiter, sed dii universae res hominum consulere dicuntur, veluti Od. III, 207. XX, 196. Il. XIV, 465. Nec id adeo mirum. Nam, quae Jupiter in consilio decrevit, haec jussu, et ceteri ceteri dii exsequuntur, quibuscum imperium ita communicatum est, ut, quicquid illius consilium secuti faciunt, hoc potum sit. Verbi causa Juno et Minerva Il. V, 715. Menelao promittunt, Trojam urbem eversum iri, nec tamen aliter hoc praedicere potuissent, nisi tantis, quas praecipue quodam praeter ceteros honore haberet, Jupiter consilia communicasset. Mari autem, quamvis incensus iracundia, filium a deo servare non potuit, quia Jupiter illam interfici valuerat. Atque quum idem Hectorem pariter Trojamque cadere vellet, omnes dii idaeque, qui Trojam servaverant, e pugna recesserunt.



Reliquum est, ut, quod numen nomine *δαίμων* declaratum sit, breviter exponam. Est autem fere idem *δαίμων* atque *τύχη*, si non potestas aliqua divina, quae intellectui differt a *θεός*, quo divina aliquid potest esse significatur. Quam persona dei sine potestate divina esse nulla possit, factum est, ut haud ita raro poeta denum vel deam *δαίμων* vocaret. Exempli causa cito Il. II, 222, quo versu Minervam poëta refert aliquando *μετὰ δαίμονας* *ἄλλοισιν* Olympum rediisse, et Il. III, 320, *δαίμονα* Venerem appellavit. Quoniam autem *δαίμων* divinae aliorumque potestatis, non personae notitiam habere, huiusmodi locis nomine usus est, quibus casum aliquem, vel secundum, vel adversum, aliquo numine, cuius quis nomen laudat dicere crederetur, tamen nesciret, evenisse significaret. Ita Od. XI, 61. Elpenor *Ἰδός* *πᾶσι δαίμονας* inquit, *ἡ καὶ ἀθέσπυτος οἶνος*; et Euripides ibid. XVI, 61: *ὅτε οἱ ἐπὶ δαίμονας τῶν δαίμωνων*. Nec vero usquam *δαίμων* ita dictus est, ut hoc nomen nomen aliquod ab Olympiis diis diversum usque superius a poeta nuncupatum esse recte judicemus.

At dicat quispiam, si certum est, omnia, quae sunt, Jovis voluntate nutuque fieri, quid causae fuit, ut Graeci veteres Parcas humanae sortis moderatrices esse crederent? Nimirum, ut Apollini oracula, ceterisque diis, singulis munera sua Jupiter distribuit, ita Parcas, quae vocantur, humanae fortunae gubernationem concessit, ita tamen, ut, quae quique destinarentur, hae quidem exsequerentur, ipse rex imperium summum retineret. Cujus necessitudinis haec ratio erat, ut, quemadmodum omnes dii suam, quicunque caelestis regni partem administrarent, nec tamen quidquam praeter summum Jovis consilium facerent, ita per Parcas ea accidere existimarent, quae Jupiter eas exsequi voluisset. Non igitur mirum, quod alibi Jupiter, aliusve deus, alibi Parcae fata constituisse dicuntur. Vatorum enim auctorem alia ipsum facere, alia Parcarum administrarum opinari mandare credebant. Feruntur autem Parcae mortalibus sortem *ἐμμετρίαν*, quam imaginem ad vitae similitudinem veteres expresserunt, nec tamen aliud ea significarunt, nisi Parcas humanae sortis, tanquam opifex, esse, quae tanquam ancillulae pensa ab Iove data colerent. At etiam alii dii res, vel secundas, vel adversas hominibus *ἐπιχεύουσα* perhibentur, quae de re v. Od. I, 17. III, 208. VIII, 279. Nimirum hoc translativo verbo dixerunt, nihil aliud, quam destinare declarantes. Exempli causa Moschi celeberrimos subjungo, quos, si haec mihi, quae modo disputavi, recte dicta putata esse, concesseris, facillimo negotio intelliges. Dicit autem Od. VII,

197 sq. Alcinous de Ulysse: Ἐνθα δ' ἔπειτα πείσεται, ἄσσα οἱ Αἴσα Κατακλῶθές τε βαρεῖαι γεινομένην νήσαντο λίνῳ, ὅτε μιν τέχε μήτηρ. Κατακλῶθες autem eadem sunt ac Μοῖραι, quas dicit Hom. II. XXIV, 49: Τλητὸν Μοῖραι θέσαν θυμὸν ἀνθρώποισιν. Sola Αἴσα moderatrix fati et artifex appellatur II. XX, 127: Ὑστερον αἴτε τὰ πείσεται, ἄσσα οἱ Αἴσα γεινομένην ἐπένησε λίνῳ. II. V, 613: Ἀμφιον, inquit, ἦγε Μοῖρ' ἐπικουρήσοντα μετὰ Πριάμῳ τε καὶ νῆας. II. autem II, 833 et XI, 330. Κῆρες eundem Amphium et filios Meropis, ut ad bellum proficiscerentur, coëgissee dicuntur, quia profecti proelio ceciderunt. II. XVIII, 115 sq. Achilles mortuus esse traditur, quod αὐτῷ κῆρα Ζεὺς ἐτέλεσσε καὶ Μοῖρ' ἐδάμασσαν, et Hectorem μείναι Μοῖρ' ἐπέδρξεν Ἰλίου προπύροιθε πυλάων τε Σκαιάων, quae verba leg. II. XXII, 5. Ut Sarpedonem aggrediretur, ὤρσε Τληπόλεμον Μοῖρα κραταιή. II. V. 629. Injuriam a se factum Achilli Agamemno dicit, quod Ζεὺς καὶ Μοῖρα καὶ Ἐριννὺς γρεσὶν ἔμβαλον ἄγχιον ἄτην, II. XIX, 78. Hoc loco tria numina feruntur Graecorum principem, ut injuriam faceret, induxisse, quod ita ego interpretor, ut a Jove Μοῖραν missam esse dicam, quae curaret, ut ἄτη regem caperet, Ἐριννὺν autem, quae consilium ejus properaret, ut injuriam poena gravi lueret. II. XVI, 849. Patroclus moriens: Ἀλλὰ με, inquit, Μοῖρ' ὅλῃ καὶ Ἀητοῦς ἔκτανεν νῆος, non quo duorum numinum mortifera tela in se jacta esse significet, sed hoc dicit, Apollinem accessum Μοίρας accelerasse.

Hi ferē sunt loci, quibus Αἴσαν et Μοῖραν deas Homerus attigit. Nul- lum esse confiteare necesse est, quo de futuris inter Jovem et Parcas dissen- sionem fuisse, quove Jovem inferiorem, illas superiorem, quam administra- rum, locum obtinuisse, possit evinci. Quid enim? An unquam miseri salutem a Parcis precati feruntur? Nusquam. Erant enim Parcae immuta- biles et inexorabiles, non quod nollent calamitates prohibere, sed quia non poterant. An vero Parcarum numen supremum erat, Jupiter autem preces audiebat? Et has qui convenit ut audiret is deus, qui nequiret fortunae vicem ineluctabilem convertere? Non invenio, quo difficultatem diluam, nisi hoc mihi concesseris, ideo Parcas inexorabiles fuisse, quod ministerio Jovis essent addictissimae, ab iisque neminem impetrasse, ut faciles essent, quod domini sui consilium mutare nequirent.

Restat, ut ὑπὲρ αἴσαν, ὑπὲρ μοῖραν et ὑπὲρ μόρον paucis explicem. Ac supra quidem ea κατ' αἴσαν et κατὰ μοῖραν esse facta didicimus, quae alicui rei conveniunt, decent. Ὑπὲρ αἴσαν igitur et ὑπὲρ μοῖραν ea sunt, quae aliter atque par est, deoet, supra finem fato constitutum

fiunt vel eveniunt. Ὑπὲρ μόρον autem fit, quod supra fortunam sive aliter evenit, quam per fortunam licet. Fiunt autem praeter fatum, quibuscunque lex, vel naturalis, vel moralis, vel ipsum deorum numen laeditur. Itaque Paris Il. VI, 335: Ἐκτορ, inquit, καὶ αἶσαν ἐνείχεσάς μ' οὐδ' ὑπὲρ αἶσαν, i. e. merito objurgasti me, nec immerito. Propius vero poëta videri possit ad notionem fati accessisse Il. XVI, 780. quum caneret: Καὶ τότε δὴ ὃ ὑπὲρ αἶσαν Ἀχαιοὶ γέρετροι ἦσαν. At hoc loco cave ne putes, Graecos ab eo declarari fortunae bellicae finem fato constitutum fortitudine sua ac sine deorum numine transgressos, sed ὑπὲρ αἶσαν nihil, nisi hoc significat: quam vi sua ac robore posse videbantur. Inest autem in ea locutione fati significatio Il. VI, 487: Οὐ γὰρ τίς μ' ὑπὲρ αἶσαν ἀνὴρ Ἴδιδι προΐαψαι, nec tamen illa iis, quae de fato supra disputavimus, contraria. Nam ὑπὲρ αἶσαν significat, antequam mortis hora deorum consilio destinata mihi erit. Nec difficilior ad explicandum haec sunt, quae legimus Il. XVII, 321: Ἀργεῖοι δέ κε κῆδος ἔλον καὶ ὑπὲρ Διὸς αἶσαν κάσσει καὶ σθένει σφετέρῳ, ἀλλ' αὐτὸς Ἀπόλλων Αἰνείαν ὤτρυνεν etc. In his enim verbis est sumptio, nec fieri quidquam humana vi posse praedieat Apollo ibid. v. 327. Ὑπὲρ μοῖραν est Il. XX, 336. quo loco Neptunus: Ἀλλ' ἀναχωρῆσαι, inquit, ὅτε κεν συμβλήσεται αὐτῷ, μὴ καὶ ὑπὲρ μοῖραν δόμον Ἀἴδος εἰσαγίγῃται, quem locum confer cum Il. VI, 487. Locos reliquos, quum ab his intellectu non differant, omitto, sed ad illos transgredior, quibus ὑπὲρ μόρον scriptum invenimus. Ac locus quidem celeberrimus est Od. I, 34 sqq. quo ipse deum hominumque pater: Ἀνθρώποι, inquit, σφῆσιν ἀτασθαλίῃσιν ὑπὲρ μόρον ἄλγος ἔχουσιν· ὥς καὶ νῦν Αἰγισθος ὑπὲρ μόρον Ἀτρεΐδου γῆμ' ἄλοχον μνηστήν, τὸν δ' ἔκτανε νοστήσαντα. Nimirum Aegisthus eo, quod necato regio conjuge Clytaemnestram in matrimonio habebat, lege morali laesa vicem humanam superaverat, nec tamen a scelere prohibitus erat, quia in iis, quae ad virtutem pertinerent, libera voluntas humana non esse non posset. Ita enim recte veteres cogitatione perceperant, admoneri quidem homines a diis immortalibus, ne quid sceleris committerent, vi tamen non arceri. Cfr. verss. inseqq. Quum igitur Aegisthus facinus nefarium in se admisisset, ab eo dii poenas repetiverunt, quibus datis tantopere afflictus est, ut maiorem calamitatem subiret, quam quae lege naturali mortalium communi accidisset. Opinio enim erat, a Jove vitam hominum mixtam esse bonis et malis, ita tamen, ut haec essent modica, nisi quis ea turpitudine adangeret. Cui opinioni hoc non repugnat, quod Od. III, 269. dicit Nestor: Ἀλλ' ὅτε δὴ μιν (Αἰγισθον) μοῖρα θεῶν ἐπέδησε δαμῆναι. Haec enim verba non ita interpretanda

esse crediderim, ut ab ipsis diis Aegisthum in pravitatem adductum putem sed quia diu regis Agamemnonis uxorem ad turpe matrimonium ille pellegerat, dii cum non amplius a scelere conficiendo prohibuerunt, ut poenas sumerent. Il. autem XX, 30. Jupiter: *Λείδω, inquit, μὴ καὶ τεῖχος ὑπὲρ μόρον ἔξαλαπάξῃ* (*Ἀχιλλεύς*), quibus cum verbis compono, quae legimus ibid. XVI, 315 sq.: *Ἀπόλλων ἐδύσετο Ἴλιον ἱοῖν· μέμβλετο γάρ οἱ τεῖχος ἔϋδμήτοιο πόλτος, μὴ Λαυνοὶ πέρσειαν ὑπὲρ μόρον ἥματι κείνῳ*. His locis videri cuipiam possit deorum potentia minor fuisse, quam quae hominum audaciam restingueret. At est in verbis sumptio, sententia non suppleta. Subjunge: *εἰ μὴ Τρωσὶν ἐπαρῶσομεν*, et cfr. Od. II, 155. et V, 436.

Quae quum ita sint, non invenio, de fato veteres tam incertos fuisse, ut alia Jovis consilio, alia numinis alicujus voluntate Jove superioris, sed ita obscuri, cujus ne nomen quidem nossent, fieri arbitrarentur. Ac si jam res eo perducta est, ut, quae hactenus a me disputata sunt, concludam, non possum, quin ingenium antiquorum Graecorum summopere admirer. Illi enim quamquam hujus aetatis sapientiam non attigerunt, tamen nihil sinxerunt, quod non humanitatis semina futurae in se contineret. Nam, ut ne multus sim, credebant Graeci vetustissimi, mundum hunc omnem, quo omnia continentur, sua quadam vi aeterna esse et necessitate consistere: imperium autem mundi summum Jovem obtinere eumque sapienter omnia regere: nec tamen naturae necessitatem tollere, quia, si tolleret, natura sibi repugnaret: generis autem humani fata legibus aeternis, i. e. sapientia sua moderari: praeter ejus voluntatem quae fierent, rata non esse: imperii autem ceteros deos ministros itaque fati mortalium Parcas administras habere: has tamen nihil aliud, quam mandata ejus exsequi, et inexorabiles esse, non quod nollent audire precantes, sed quia, quae rex deorum fieri jussisset, conficere ipsas necesse esset. Itaque non ad Parcas, sed ad Jovem ejusque liberos et consanguineos manus tollebant, nec ab illis, sed a deum hominumque patre, quod dulce esset et utile, salutem omnem laborumque fructus piis votis ac precibus petebant.

Die vorliegende Sammlung wurde in der Bibliothek des Reichsarchivs  
am 1. März 1901 eingeleitet.

# Die Ordnung der Sammlung

Am 1. März 1901

Die Sammlung ist in drei Abteilungen eingeteilt:  
I. Die Sammlung der handschriftlichen Werke.  
II. Die Sammlung der gedruckten Werke.  
III. Die Sammlung der Karten und Pläne.  
Die handschriftlichen Werke sind in drei Klassen eingeteilt:  
1. Die Werke der alten Literatur.  
2. Die Werke der neueren Literatur.  
3. Die Werke der Wissenschaften.  
Die gedruckten Werke sind in drei Klassen eingeteilt:  
1. Die Werke der alten Literatur.  
2. Die Werke der neueren Literatur.  
3. Die Werke der Wissenschaften.  
Die Karten und Pläne sind in drei Klassen eingeteilt:  
1. Die Karten der alten Welt.  
2. Die Karten der neueren Welt.  
3. Die Pläne der Festungen und Städte.